



**Broj: 12-34-2084-1/18  
Sarajevo, 12.11.2018.godine**

Na osnovu člana 21. stav 1. i člana 32. Zakona o reviziji institucija u Federaciji Bosne i Hercegovine («Službene novine Federacije BiH», broj: 22/06), člana 10. Pravilnika o radu u Uredu za reviziju institucija u Federaciji Bosne i Hercegovine, broj: 09-02-1213-4/16 od 24.05.2017.godine - prečišćeni tekst i Odluke generalnog revizora Ureda za reviziju institucija u Federaciji Bosne i Hercegovine, broj: 12-34- 2083-1/18 od 12.11.2018. godine, raspisuje se

## **KONKURS**

**Za popunu upražnjenih radnih mjesta u Uredu za reviziju institucija u Federaciji Bosne i Hercegovine**

### **I. RADNA MJESTA :**

- 1. Revizor za finansijsku reviziju, 2 (dva) izvršioca za rad na neodređeno vrijeme**
- 2. Mlađi revizor za reviziju učinka, 1 (jedan) izvršilac za rad na neodređeno vrijeme**
- 3. Pomoćni revizor za finansijsku reviziju, 1 (jedan) izvršilac za rad na neodređeno vrijeme**

#### **1. REVIZOR ZA FINANSIJSKU REVIZIJU**

**Opis poslova:** obavlja reviziju finansijskih izvještaja u skladu sa Zakonom o reviziji, ISSAI, IFAC revizijskim standardima, usvojenim planom revizije i utvrđenim procedurama. Može biti vođa tima ili član tima; kao vođa ili kao član tima odgovara za kvalitet revizije; kao vođa tima, zajedno sa članom tima na početku godine, sačinjava strateške dokumente za provođenje revizije (analizu operacija, strateški memorandum i plan revizije) i iste dostavlja rukovodiocu sektora na razmatranje i usvajanje; ukoliko nastupe okolnosti zbog kojih se mora mijenjati usvojeni plan revizije, o istom obavještava rukovodioca sektora; sa članom tima u skladu sa usvojenom metodologijom nakon obavljene revizije sastavlja nacrt izvještaja o obavljenoj reviziji; nakon konsultacija sa rukovodiocem sektora o glavnim nalazima, nacrt izvještaja dostavlja revidiranoj instituciji na komentar; po dostavljenim komentarima revidirane institucije iste razmatra sa višim revizorom i zajedno zaključuju sa rukovodiocem sektora komentar konačnog izvještaja, koji se dostavlja revidiranom subjektu; obavlja i druge poslove po nalogu neposrednog rukovodioca i generalnog revizora.

#### **2. MLAĐI REVIZOR ZA REVIZIJU UČINKA**

**Opis poslova:** član je tima revizije učinka; blagovremeno izvršava zadatke godišnjeg plana revizije po instrukcijama rukovodioca sektora i vođe tima; učestvuje u predstudijskim istraživanjima i sačinjavanju predstudijskog memoranduma; učestvuje u izradi plana rada i matrice dizajna za glavnu studiju; učestvuje u izradi projekt plana glavne studije; učestvuje u prikupljanju i analiziranju potrebnih podataka i revizijskih dokaza; učestvuje u formulisanju preliminarnih nalaza i zaključaka; učestvuje u izradi nacrtu izvještaja; učestvuje u izradi konačnog izvještaja revizije učinka; učestvuje u praćenju implementacije preporuka iz izvještaja; obavlja i druge poslove po nalogu neposrednog rukovodioca i generalnog revizora.

#### **3. POMOĆNI REVIZOR ZA FINANSIJSKU REVIZIJU**

**Opis poslova:** obavlja poslove i radne zadatke po nalogu vođe revizijskog tima; obavlja i druge poslove po nalogu neposrednog rukovodioca i generalnog revizora.

### **II OPĆI USLOVI**

Kandidati treba da ispunjavaju opće uslove predviđene članom 33. Zakona o reviziji institucija u Federaciji Bosne i Hercegovine («Službene novine Federacije BiH», br.22/06) i to:

- a. da je državljanin Bosne i Hercegovine;
- b. da je stariji od 18 godina;
- c. da ima odgovarajuće obrazovne i stručne kvalifikacije;

- d. da je zdravstveno sposoban (za obavljanje poslova radnog mjesta na koje se prijavljuje);
- e. da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini tri godine prije podnošenja prijave za zaposlenje;
- f. da se protiv njega ne vodi krivični postupak, niti da je pravomoćno osuđen na kaznu zatvora za krivična djela sa izuzetkom krivičnih djela protiv sigurnosti u saobraćaju, u skladu sa Krivičnim zakonom;
- g. da nije obuhvaćen odredbama člana IX.1. Ustava Bosne i Hercegovine.

### **III POSEBNI USLOVI**

Pored općih uslova kandidati moraju ispunjavati i posebne uslove predviđene Pravilnikom o unutrašnjoj organizaciji i sistematizaciji radnih mjesta u Uredu za reviziju institucija u Federaciji Bosne i Hercegovine (u daljem tekstu: Ured za reviziju) i to:

#### **Za poziciju 1. Revizor za finansijsku reviziju**

VSS - VII stepen stručne spreme, odnosno visoko obrazovanje po Bolonjskom sistemu studiranja sa najmanje ostvarenih 240 ECTS bodova, ekonomski fakultet, najmanje pet godina radnog iskustva na poslovima finansijske revizije, položen stručni ispit za službenike organa uprave i službi za upravu/javni ispit, certifikat ovlaštenog revizora, dobro poznavanje rada na računaru.

#### **Za poziciju 2. Mlađi revizor za reviziju učinka**

VSS - VII stepen stručne spreme, odnosno visoko obrazovanje po Bolonjskom sistemu studiranja sa najmanje ostvarenih 240 ECTS bodova, ekonomski ili pravni fakultet ili drugi fakultet društvenog smjera, najmanje tri godine radnog iskustva na poslovima revizije učinka ili radnog iskustva u kvalifikovanom, analitičkom i istraživačkom radu i/ili pisanju naučno-istraživačkih radova, položen stručni ispit za službenike organa uprave i službi za upravu/javni ispit, dobro poznavanje rada na računaru, aktivno znanje engleskog jezika.

#### **Posebna znanja i vještine:**

Potrebno je da posjeduje slijedeće kompetencije: dobro znanje osnovnih pitanja i vrijednosti revizije učinka koje omogućava koordinaciju i integrisanje različitih aktivnosti i procesa u Sektoru revizije učinka u jednu funkcionalnu cjelinu; poznavanje metodologije projektnog menadžmenta i metodologije naučno-istraživačkog rada, sposobnost sistematičnog načina rada, sposobnost analitičkog i kritičkog razmišljanja i uspostavljanja uzročno-posljedičnih veza; sposobnost izvođenja razumnih zaključaka na temelju pojedinačnih nalaza; te vještine pisanja jasnih izvještaja usmjerenih čitaocu.

#### **Za poziciju 3. Pomoćni revizor za finansijsku reviziju**

VSS - VII stepen stručne spreme, odnosno visoko obrazovanje po Bolonjskom sistemu studiranja sa najmanje ostvarenih 240 ECTS bodova, ekonomski fakultet, najmanje jedna godina radnog iskustva na poslovima revizije ili finansijsko – računovodstvenim poslovima, položen stručni ispit za službenike organa uprave i službi za upravu/javni ispit, aktivno znanje engleskog jezika, dobro poznavanje rada na računaru.

### **IV POTREBNI DOKUMENTI**

Prijava na konkurs dostavlja se na uredno popunjenom i svojeručno potpisanom prijavnom obrascu Ureda za reviziju, koji se može dobiti u prostorijama Ureda za reviziju ili na web-stranici Ureda za reviziju institucija u Federaciji BiH, [www.vrifbih.ba](http://www.vrifbih.ba).

Uz prijavu na Konkurs, kandidati su dužni priložiti originale ili ovjerene fotokopije dokumenata i to:

a) Dokumenti o ispunjavanju općih uslova:

- uvjerenje o državljanstvu BiH (ne starije od šest mjeseci);
- izvod iz matične knjige rođenih;
- ljekarsko uvjerenje o zdravstvenoj sposobnosti (ljekarsko uvjerenje o zdravstvenoj sposobnosti dostavljaju samo kandidati koji budu odlukom generalnog revizora izabrani. Izabrani kandidati uvjerenje o zdravstvenoj sposobnosti dostavljaju po okončanju konkursne procedure, a prije stupanja na rad);
- uvjerenje da se protiv kandidata ne vodi krivični postupak izdato od nadležnog suda (ne starije od tri mjeseca);

- uvjerenje da kandidat nije pravomoćno osuđen na kaznu zatvora za krivična djela sa izuzetkom krivičnih djela protiv sigurnosti u saobraćaju u skladu sa Krivičnim zakonom, izdato od nadležnog ministarstva unutrašnjih poslova, (dostavljaju po okončanju konkursne procedure, a prije stupanja na rad, ne starije od tri mjeseca);
- izjava kandidata da nije obuhvaćen odredbama člana IX.1. Ustava Bosne i Hercegovine, ovjerena od strane nadležnog općinskog organa;
- izjava kandidata da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini tri godine prije podnošenja prijave za zaposlenje, ovjerena od strane nadležnog općinskog organa.

b) Dokumenti o ispunjavanju posebnih uslova:

- za radna mjesta 1. i 3. diplomu o završenom studiju na ekonomskom fakultetu, univerzitetska diploma, za radno mjesto 2. diplomu o završenom ekonomskom ili pravnom fakultetu ili drugom fakultetu društvenog smjera, univerzitetska diploma (nostrifikovane diplome, ukoliko fakultet nije završen u BiH ili je diploma stečena u nekoj drugoj državi nakon 06.04.1992. godine) odnosno, za kandidate koji su visoko obrazovanje stekli po Bolonjskom procesu uz univerzitetsku diplomu i dodatak diplomu. Izuzetno, samo u slučaju da visokoškolska ustanova dodatak diplomu nije uopšte izdavala, niti za jednog diplomca, kandidat je dužan da uz ovjerenu kopiju univerzitetske diplome, dostavi uvjerenje visokoškolske ustanove da dodatak diplomu nije uopšte izdat, niti za jednog diplomca;

**Za radno mjesto 1.:**

- certifikat ovlaštenog revizora

**Za radno mjesto 2. i 3.:**

- dokaz o aktivnom znanju engleskog jezika, najmanje nivo A2
- **Za radno mjesto 1., 2. i 3.:**
- uvjerenje o položenom stručnom ispitu za službenike organa uprave i službi za upravu/javni ispit;
- dokaz o poznavanju rada na računaru;
- potvrdu o traženom radnom iskustvu.

Napomena za dokaz - potvrda o traženom radnom iskustvu:

- **za radno mjesto 1.**, potvrda treba da sadrži opis i vrstu poslova koji su obavljani na poslovima finansijske revizije u periodu od pet godina.
- **za radno mjesto 2.**, potvrda treba da sadrži opis i vrstu poslova koji su obavljani na poslovima revizije učinka ili na poslovima u kvalifikovanom, analitičkom i istraživačkom radu i/ili pisanju naučno- istraživačkih radova u periodu od tri godine.
- **za radno mjesto 3.**, potvrda treba da sadrži opis i vrstu poslova koji su obavljani u reviziji ili finansijsko računovodstvenim poslovima u periodu od jedne godine.

## V OSTALE NAPOMENE

Proces izbora i imenovanja po ovom Konkursu provest će se u skladu sa odredbama člana 34. Zakona o reviziji institucija u Federaciji Bosne i Hercegovine («Službene novine Federacije BiH», br. 22/06) i internim aktima Ureda za reviziju.

Izabrani kandidati pozvat će se da u primjerenom roku, a prije zasnivanja radnog odnosa u Uredu za reviziju, dostave uvjerenje o zdravstvenoj sposobnosti za obavljanje poslova radnog mjesta i uvjerenje da kandidat nije pravomoćno osuđen na kaznu zatvora za krivična djela sa izuzetkom krivičnih djela protiv sigurnosti u saobraćaju u skladu sa Krivičnim zakonom, izdato od nadležnog ministarstva unutrašnjih poslova. O rezultatima Konkursa, kandidati će biti obaviješteni dostavom odluke o izboru i prijemu izabranog kandidata u Ured za reviziju. Sa izabranim kandidatima ugovorit će se probni rad. Ako se na Konkurs ne prijave osobe koje ispunjavaju propisane i objavljene uslove iz Konkursa, ili iz nekih drugih opravdanih razloga, generalni revizor može obustaviti postupak izbora po ovom Konkursu.

Sažetak Konkursa se objavljuje u dnevnim novinama "Oslobođenje" i „Večernji list“, a cjeloviti tekst Konkursa objavljuje se na web stranici Ureda za reviziju institucija u Federaciji BiH, [www.vrifbih.ba](http://www.vrifbih.ba).

Prijavu na ovaj Konkurs, sa svim potrebnim dokumentima dostaviti najkasnije u roku od 30 dana, od dana posljednje objave ovog Konkursa, lično ili preporučenom poštom, na adresu:

**„Ured za reviziju institucija u Federaciji Bosne i Hercegovine“**

**Ul. Ložionička br. 3,**

**71000 Sarajevo**

Na koverti sa prijavom obavezno naznačiti: „Prijava na Konkurs - ne otvarati“. Na poledini koverta navesti ime i prezime podnosioca, adresu i kontakt telefon. Nepotpune, neuredne i neblagovremene prijave neće se razmatrati. U skladu sa Zakonom o reviziji institucija u FBiH, Ured za reviziju nema obavezu vraćanja zaprimljenih prijava na Konkurs.

**URED ZA REVIZIJU INSTITUCIJA U FEDERACIJI BOSNE I HERCEGOVINE**